

جريدہ علمیہ

مشيخت جليلہ اسلاميہ نك جريدہ ر سميہ سيدو

ربيع الآخر سنہ ۱۳۳۹

عدد ۶۵

شمديلك آيدہ بر نشر اولنور

آلفيبي سنہ

الزام زرخ

هند زیده قرض و یردیکي آچقه سیچون زیدک اوزرینه بر سنه تمامنه دك اونى اون بر
بحق حساسی اوزره معامله شرعیه ایله شو قدر آچقه ربح الزام ایدوب سنه تمامنده ربح
منبوری زیددن آلسه ربح منبور هنده حلال اولورمی الجواب اولور .

* *

شراء وصی

زید صغیرك وصی مختاری عمرو صغیرك اون آچقه دكر بر متاعی نفسیچون اونبر آچقه
اشترا ایلك جائز اولورمی الجواب اولماز .

* *

ارث

تبعه دولتعلیه اسلامیه دن هند مسلمه فوت اولدقده هندك تبعه اجنبیه دن اولوب
مسلملر اولان ورثه سی هندك میراثندن محروم اولورلرمی الجواب اولمازلر .

کتابه الفقیر طرسوسی زاده

محمدنوری مدنی

عفی عنهما

اجوبه شرعیه

نزیمه امضالی ۱۸ شوال ۳۳۸ تاریخنده فتواخانه به بالورود ، جاریه سنی آزاد ایتمه دن
برکیمسه به تزویج ایتمه کد نصکره اولاً زوج مؤخرأ جاریه منبوره وفات ایتمش اولسه لر
جاریه نك نامنه مقید اولان ملك منزل آزاد ایدن افندیسنه انتقال ایدوب ایتمه چکمه دائر
واقع اولان استفتایه جوابدر :

§ مآله نظرأ مذکور خانه مستدعیه منبوره نزیمه خانمك ملکیدر .

۲۴ شوال ۳۳۸

* *

طورسون امضالی ۱۴ تموز ۳۳۶ تاریخنده فتواخانه به بالورود ، حبیبی اوله رق متولی
وظیفه سنی کوردن برذات اوقافه حائذ اولان آچقه دن دور شرعی اولمق سزین ربح نامنه
فائض آلمه مساع شرعی اولوب اولدیغنك بیاننه دائر واقع اولان استفتایه جوابدر :

§ حادثه مدیون کنندی رضاسیله وقفه تبرع ایتدجک متولی ربح نامنه مدیون منبورده برشی آلمه قادر اولماز .
۲۵ ذی القعدة ۳۳۸

* *

کاظم امضالی غره ذی القعدة ۳۳۸ تاریخنده فتواخانهیه بالورود ، صلاة مفروضه بی متعاقب جوامع شریفده عبادات واذکارده بولمغه مساع شرعی اولوب اولمديغنه دائر واقع اولان استفتایه جوابدر :

§ بدعتدن اجتناب ایدرک سنن سنیه و اصول شرعییه موافق صورتده جوامع رمساجده ذکر و تهلیل و تکبیر و اوراد کبی طاعتک اجرایی مشروع اولور .

۸ ذی القعدة ۳۳۸

* *

صائمه امضالی ۲ تموز ۳۳۶ تاریخنده فتواخانهیه بالورود ، باقق شرطیه چفتلکده کی حصه سنی هبه ایتدکنصکره باقه جق کیمسه وفات ایدوب اوغلی بن باقورم دیسه لیکن باقدیغنی اثبات ایدمهسه واهبه حصه موهوبه سنی استرداد ایدوب ایدمهیه جککنه دائر واقع اولان استفتایه جوابدر :

§ مآله نظراً واهبه منبوره موهوباتی استردادده قادره اولور .

۱۴ ذی القعدة ۳۳۸

* *

نورالدین امضالی ۲۱ تموز ۳۳۶ تاریخنده فتواخانهیه بالورود ، صغیرک متصرف اولدینی اجارتینلی وقف منزلی ، و صیسی هند مسوغ شرعی اولمقیزین آخره فراغ قطعی ایله فراغ ایتسمه صغیر منبور بعدالبوغ منزل مذکور ذی الیددن استرداد ایدوب ایدمهیه جککنه دائر واقع اولان استفتایه جوابدر :

§ مآله نظراً فراغ مذکور معتبر اولماغله صغیر منبور بعدالبوغ رأی متولی ایله اول منزلی استرداد ایدمه بیایر .

۹ ذی القعدة ۳۳۸

* *

غایت امضالی ۱۰ آغستوس ۳۳۶ تاریخنده فتواخانهیه بالورود ، زید سکران اولدینی خالد عمر وک اغزینه یوزینه سب ایتسه زیدک نکاحی منفسخ اولوب اولمديغنه دائر واقع اولان استفتایه جوابدر :

§ مآله نظراً سب مذکور ایله زیدك نكاحی منفسخ اولماز .

۷ ذی الحجّه ۳۳۸

* *

مصطفی ناجی امضالی ۴ ذی الحجّه ۳۳۸ تاریخده فتواخانهیه بالورود ، هند مالئك بعضیسنی و لا کلیسنی قیزینك قیزی زینه هبه ایتسه آئمه اولوب اولیه جفته دائر واقع اولان استفتایه جوابدر :

§ حادثیه نظراً مزبورده علیه خانم قیزینك قیزی مزبورده مدیحه خانمه املاک و اشیاسندن دیلدیکی مقداری هبه و اصولاً تسلیم ایتمه که قادر اولمغله کناهکار اولماز .

۲۰ ذی الحجّه ۳۳۸

* *

علی علوی امضالی ۱۷ ذی الحجّه ۳۳۸ تاریخده فتواخانهیه بالورود ، مهتدیه زوجه سنك ارتدادینه بناءً مزبورده دن متولده صغیره قیزك حق حضانه سی مزبورده می یوقسه پدرینه می عائد اوله جفته دائر واقع اولان استفتایه جوابدر :

§ صغیره مزبورده نك آناسی مرتده مزبورده دن بشقه نسواندن حاضنه اخراسی یوق ایسه باباسنه تسلیم اولنق اقتضا ایدر .

۲۹ ذی الحجّه ۳۳۸

* *

نعمت امضالی ۱۳ محرم ۳۳۹ تاریخده فتواخانهیه بالورود ، زید مهر معجله محسوباً هنده البسه یا پلق اوزره و یرمش اولدیفی مبلغی عقد نكاحدن صرف نظر ایتد کدنصکره استرداد ایده بیلوب ایده میه جکته دائر واقع اولان استفتایه جوابدر :

§ مآله نظراً زید مزبور هند مزبورده مهر معجل نامنه و یرمش اولدیفی مبالغت امثالی هنددن اخده قادر اولور .

۲۱ محرم ۳۳۹

